



Sonia Lorec

Un c'hoari klask ar roudenn evit an treuzkemm energiezh

D'ar 15 ha 16 a viz Gwengolo, e-ser Steuñv hin aer energiezh tiriad (SHAET) An Oriant Tolpad, e vo ALAEN (Ajañs lec'hel an energiezh) Kreisteiz Breizh é reiñ lañs d'ur pikol c'hoari avantur gant kenlabour obererion an tolpad.

Perak ?

Pe e veze àr dachenn an energiezh, an annez, an dilec'hiiñ, ar boued, ar lastez pe ar beveziñ, e rankimp chañch hor boazioù pemdeziek evit doujiñ ar blanedenn hag ijiniñ gizioù nevez. Un avantur birvilhus eo an treuzkemm ekologel hag a sell doc'h an holl dud. Tra m'emañ An Oriant Tolpad edan disoc'hiiñ gant e Steuñv nevez evit Hin Aer Energiezh an Tiriad (SHAET), anezhañ follenn-stur an treuzkemm a-benn ar c'hwec'h vlez zo da zonet, emañ an ALAEN é kinnig un c'hoari bras a-stroll evit sachiñ evezh tud an tolpad a-ziàr an treuzkemm ekologel.

Petra eo ?

Un c'hoari klask ar roudenn hag avantur evit lakaat ho neuron, ho

pemp skiant, ho ampartiz hag ho ijin da labourat. Evel-se e vo klasket gober hep karbon na lastez.

E-men e vo ?

Ar soñj a zo kinnig meur a droiad evit ma c'hello razh annezidi An Oriant Tolpad kemer perzh en abadennad. Soñjoù a zo mes pep tra a vo doc'h begon an dud evit kas an traoù da benn.

Gant piv ?

An ALAEN a aoz an abadennad gant skoazell An Oriant Tolpad. Evit se he deus galvet obererion ag ar vro akourset gant an abadennoù-c'hoari : ar gevredigezh *Soñjoù Distroet* hag an embregerezh Gnome Prod a sav c'hoarioù en o ment gwir. Deroù ar programm zo savet dija en arbenn a skoazell un tri-ugent annezad bennak a oa em dolpet evit un noziad « divouediñ ho pennoù » a-ziàr ar steuñv Hin, d'an 19 a viz Ebrel tremen.

Bemdez e vez kevredigezhioù, embregerezhioù, strollegezhioù ha

Jeu de piste: C'hoari klask ar roudenn

Climat: Hin

Air: Aer

Energie: Energiezh, gremm

Jeu: C'hoari

Aventure: Avantur

Transition écologique: Treuzkemm ekologel

Carbone: Karbon

Déchet: Lastez, dilec'hioù

Circuits: Troiadoù

Evénement: Abadennad

Ludique: -c'hoari

Remue-ménings: Divouediñ ho pennoù

Associations: Kevredigezhioù

Entreprises: Embregerezhioù

Collectivités: Strollegezhioù

Citoyens: Keodedourion

Fil rouge: Gwiadenn

Famille: Tiegezh, familh

Amis: Kamaraded

keodedourion engouestlet é labourat evit an treuzkemm, é sevel oberennoù hag a c'heller kemer skouer àrne en tolpad. Soñj an c'hoari bras-se eo o lakaat àr-wel, steuñviñ etreze gwiadenn an c'hoari, kas taolioù-dae da benn ha bout prantadoù bourrapl gant ho tiegezh pe ho kamaraded er mod-se. ■

Titouroù pleustrek :

aloensortlegrandjeu.fr ; Strollad Facebook an c'hoari : www.facebook.com/groups/219809831936603

Vous trouverez la traduction de cet article sur le site www.lorient-agglo.bzh